



Broj: 01-62/22
Vareš, 30.03. 2022. godine

Na osnovu člana 186.stav(1) Zakona o prostornom uređenju i građenju („Sl.novine ZE-DO kantona, broj: 1/14 i 4/16) i člana 22. Statuta Općine Vareš- Prečišćen tekst, broj: 01-162/12 od 11.09.2012. godine, Općinsko vijeće Vareš na 14. sjednici, održanoj 30.03. 2022. godine, d o n o s i

R J E Š E N J E

o imenovanju Stručne komisije za davanje stručne ocjene u postupku izdavanja urbanističke saglasnosti

Član 1.

Imenuje se Stručna komisije za davanje stručne ocjene u postupku izdavanja urbanističke saglasnosti (u daljem tekstu:Komisija), u sastavu:

1. Vidović Melisanda, predsjednica- oblast arhitektura, građevinarstvo i urbanizma
- 2.Dodik Dario, član- oblast prava
3. Poljaković Marko, član – oblast prostornog planiranja i arhitektonskog projektovanja
4. Rožajac Adis, član – oblast saobraćaja
5. Dramalija Anel, član – oblast prava

Član 2.

Zadatak Komisije je definisan aktom Općinskog načelnika: Pravilnik o načinu formiranja i radu komisije za davanje stručne ocjene u postupku izdavanja urbanističke saglasnosti broj: 02-101/22 od 13.01. 2022. godine.

Član 3.

Ovo rješenje stupa na snagu danom donošenja.

DOSTAVLJENO:

5 x Komisija
1 x Oglasna tabla
1 x a.a.

PREDSJEDAVAJUĆA
OPĆINSKOG VIJEĆA

Mahira Brkić

O b r a z l o Ź e n j e

Pravni osnov za donošenje Rješenja o imenovanju Stručne komisije za davanje stručne ocjene u postupku izdavanja urbanističke saglasnosti, sadržan je u članu 186.stav(1) Zakona o prostornom uređenju i građenju („Sl.novine ZE-DO kantona, broj: 1/14 i 4/16)

Član 186.

(1) Izuzetno, ako dokumenti iz člana 69. stav (3) ovog zakona, propisani kao osnova za definisanje preduslova u urbanističkoj saglasnosti nisu doneseni, ili ako je istekao period za koji su doneseni, Ministarstvo, odnosno nadležna općinska služba utvrdiće preduslove u urbanističkoj saglasnosti na osnovu stručne ocjene komisije koju imenuje Skupština Kantona, odnosno općinsko vijeće, ili stručne ocjene nadležnog kantonalnog ili općinskog organa.

(2) Stručna ocjena iz stava (1) ovog člana sadrži sve neophodne elemente za definisanje urbanističko-tehničkih i drugih uslova za planiranu promjenu u prostoru.

(3) Komisiju iz stava (1) ovog člana čini 5 članova koji se biraju i imaju iskustvo iz oblasti prostornog planiranja i urbanizma, arhitekture, građevinarstva, geologije, prava, kulture i dr. Izbor članova komisije izvršiće se putem javnog oglasa objavljenog u najmanje jednom dnevnom listu.

(4) Provjeru ispunjavanja uslova iz stava (3) ovog člana i sastavljanje liste kvalifikovanih stručnih osoba sa koje će se izvršiti izbor članova komisije, vrši komisija koju imenuje odgovorno lice Ministarstva, odnosno nadležne općinske službe.

Članom 22. tačke 2. a u vezi sa članom 95. stavom 3. Statuta Općine Vareš (prečišćeni tekst), broj: 01-162/12 od 11.09.2012. godine, propisano je da Općinsko vijeće u okviru svoje nadležnosti donosi odluke i druge akte kojima uređuje pitanja iz samoupravnog djelokruga Općine Vareš.

Javni oglas za podnošenje prijava za učešće u radu Stručne komisije za davanje stručne ocjene u postupku izdavanja urbanističke saglasnosti objavljen 29.01.2022. godine i Ponovni Javni oglas objavljen 18.02.2022. godine, u dnevnom listu "Oslobođenje".

Komisija je otvorila pristigle prijave, izvršila provjeru priloženu i traženu dokumentaciju, te sačinila listu lica koja ispunjavaju uslove za rad u komisiji za davanje stručne ocjene u postupku izdavanja urbanističke saglasnosti.

Komisija je zapisnikom konstatovala sljedeće:

- na Javni oglas za podnošenje prijava za učešće u radu Stručne komisije za davanje stručne ocjene u postupku izdavanja urbanističke saglasnosti objavljen 29.01.2022. godine, na protokol Općine pristigle su dvije uredno zapakovane prijave u roku naznačenom u Javnom oglasu;
- na Ponovni Javni oglas za podnošenje prijava za učešće u radu Stručne komisije za davanje stručne ocjene u postupku izdavanja urbanističke saglasnosti objavljen 18.02.2022. godine, na protokol Općine pristigle su 4 uredno zapakovane prijave u roku naznačenom u oglasu;
- pregledom prijava konstatovano je da su prijave potpune, odnosno sadrže svu potrebnu dokumentaciju koja je bila potrebna uz prijavu na Javni oglas i Ponovni Javni oglas.

- na Javni oglas su se prijavila sljedeća lica po traženim oblastima:
 1. Dodik Dario – oblast prava
 2. Poljaković Marko – oblast prostornog planiranja i arhitektonskog projektovanja

- na Ponovni Javni oglas su se prijavila sljedeća lica po traženim oblastima:

1. Gavran Radojević Ilijana – oblast kulture
2. Vidović Melisanda – oblast arhitektura, građevinarstvo i urbanizam
3. Rožajac Adis – oblast saobraćaja
4. Dramalija Anel – oblast prava

Aktom Općinskog načelnika:Pravilnik o načinu formiranja i radu komisije za davanje stručne ocjene u postupku izdavanja urbanističke saglasnosti broj: 02-101/22 od 13.01. 2022. godine je u članu 6. definisano da zbog zadovoljavanja osnovne funkcije i nadležnosti, u sastav Komisije mora biti imenovan najmanje jedan stručnjak iz oblasti prostornog planiranja i urbanizma, odnosno iz oblasti arhitekture ili građevinarstva, koji će biti i predsjednik Komisije kao i da će Općinski načelnik dostaviti Općinskom vijeću prijedlog sa obrazloženjem za imenovanje članova Komisije i njenog predsjednika.

Obzirom da je potrebno imenovati 5 od prijavljenih 6 kandidata, a svi ispunjavaju tražene uslove, predlaže se imenovanja sljedećih 5 kandidata:

1. Vidović Melisanda, predsjednica- oblast arhitektura, građevinarstvo i urbanizma
2. Dodik Dario, član- oblast prava
3. Poljaković Marko, član – oblast prostornog planiranja i arhitektonskog projektovanja
4. Rožajac Adis, član – oblast saobraćaja
5. Dramalija Anel, član – oblast prava

Na osnovu navedenih zakonskih odredbi, predlaže se Općinskom vijeću da donese Rješenje o imenovanju Komisije.

**PREDLAGAČ
OPĆINSKI NAČELNIK**

Zdravko Marošević